



Ekspresi Palestin UPM Kenang Mangsa Peperangan



Prof. Madya Dr. Che Ibrahim Salleh menyampaikan sumbangan derma kepada Prof. Datin Paduka Dr. Aini Ideris semasa Malam Ekspresi Palestin, FBMK.

SERDANG, 23 Jan – Malam Ekspresi Palestin, Fakulti Bahasa Moden dan Komunikasi (FBMK), Universiti Putra Malaysia (UPM) menjadi medan lontaran warga UPM mengutuk kezaliman rejim Zionis Israel terhadap rakyat Gaza.

Majlis deklamasi dan nyanyian lagu puisi itu menunjukkan sokongan warga UPM terhadap saudara seagama mereka di Gaza di samping mengutip derma untuk disalurkan ke Tabung Khas Gaza UPM.

Naib Canselor UPM, Prof. Datuk Dr. Nik Mustapha R. Abdullah berkata malam ekspresi ini diadakan untuk menzahirkan empati terhadap penderitaan rakyat Palestin di Semenanjung Gaza.

"Kita wajib membela dan meringankan penderitaan saudara kita dengan mengambil tindakan menghulurkan bantuan dan memberi sokongan moral," katanya ketika merasmikan majlis tersebut.

Teks ucapan beliau telah dibacakan oleh Timbalan Naib Canselor Akademik dan Antarabangsa, Prof. Datin Paduka Dr. Aini Ideris.

Malam Ekspresi Palestin dianjurkan oleh Fakulti Bahasa Moden dan Komunikasi di Wisata Seni fakulti tersebut.

Seramai 300 orang pelajar dan staf UPM hadir pada majlis tersebut yang melihatkan deklamasi puisi, persembahan pentomin, nyanyian, pameran gambar mangsa peperangan di Gaza dan kulipan derma.

Turut hadir pada majlis tersebut ialah Datuk Seri Zainuddin Maidin, Dato' Dr. Hashim Yaacob, Prof. Rahman Shaari, Dr. Wan Zawawi Ibrahim, Haslina Usman dan artis tempatan, Farah Wahida.

Disediakan oleh Seksyen Media dan Publisiti, Bahagian Komunikasi Korporat, UPM.